

AKCIJA SIPA I UIO BiH "ZNAK R" NA PIJACI "ARIZONA"

Zaplijenjene 24.000 pari "lažnih" patika

D. TOVILOVIĆ

BRČKO - Pripadnici Državne agencije za istrage i zaštitu (SIPA) u saradnji sa pripadnicima Uprave za indirektno oporezivanje, a uz asistenciju pripadnika MUP-a Tuzlanskog kantona i Policije Brčko distrikta, oduzeli su u petak na pijaci "Arizona" u Gradačcu patike vrijedne 850.000 maraka, u akciji kodnog naziva "Znak R".

U pretresima je pronađena i privremeno oduzeta obuća sa krivotvorenim robnim znakovima zaštićenih robnih marki "Nikea", "Adidasa" i "Conversea", a riječ je o oko 24.000 pari.

Inače, cjelodnevna akcija iz-



ROBNE MARKE
Oduzeta obuća sa
krivotvorenim
robnim znakovima
"Nikea", "Adidasa"
i "Conversea"

vršena je po nalogu Suda i Tužilaštva BiH, a sa ciljem pronalaska predmeta koji mogu poslužiti kao dokaz u daljem postupku.

"Pretresi su izvršeni na više lokacija na području Brčko distrikta i opštine Gradačac, a zbog postojanja osnovna sumnje da je izvršeno krivično djelo krivotvorenje znakova za obilježavanje robe, mjera i tegova", saopštili su iz SIPA.

Inače, pored štandova čiji su osnivači i vlasnici kineski državljani, takode je izvršen pretres vozila, stambenih prostorija i pomoćnih objekata koji se koriste kao pomoćni magacini i radionice za krivotvorenje robnih znakova zaštićenih robnih marki.